

Update sa COVID-19 – ika-4 ng Agosto 2021

ANONG BAGO?

Narito ang buwanang update sa Covid-19 ngayong Agosto

PAGSUSURI SA KEMH

- Kabuuang dami ng swab tests na naisagawa at naproseso sa ngayon: Pitong libo apat na daan at siyam (7,,409)
- Kabuuang dami ng swabs na nakuha ngunit di pa nasusuri: Wala (0)
- Kabuuang dami ng positibong resulta simula noong ika-3 ng Abril 2020: Animnapu't anim (66)
- Damang kasalukuyang positibong resulta sa loob ng isla: Tatlo (3)

Nananatiling matagumpay ang ating programa sa *surveillance swabbing*, na may mga positibong kaso na nakita sa kasalukuyan habang nasa quarantine. Ang mga indibidwal na ito ay maayos ang kalagayan at hindi nangangailangan ng gamutan sa ospital. Ang kanilang mga *first degree* contacts o mga unang nakasalamuha ay nakilala at lahat ay ligtas na nagsasagawa na kanilang self-isolation sa kinakailangang panahon.

MGA PANGANGAILANGAN SA PAGBIBIYAHE

Isang buong listahan ng mga pangangailangan sa pagbibiyaheng northbound o southbound ay makikita sa Covid-19 Website ng Gobyerno ng Falkland Islands. Pumunta sa www.fig.gov.fk/covid-19

Habang hindi na isang legal na pangangailangan ang pagsusuot ng masks sa Inglatera, ang *Airtanker* – ang nagpapatakbo ng South Atlantic Airbridge – ay naglabas ng mandato sa pagsusuot ng masks o takip sa mukha sa lahat ng flights, mapa-hilaga o mapa-timog. Kasama dito ang Brize Norton habang naghahintay na umalis, habang sumasakay sa eroplano at habang nasa loob ng eroplano. May karapatan ang Airtanker na huwag magsakay ng mga pasahero, kasama ang kanilang mga bagahe, kung hindi sila susunod sa pangangailangang magsuot ng mask.

Para linawin ang mga karagdagang puntos sa pagbibiyahe pa-southbound:

- Walang sinuman ang pwedeng hingan ng patunay ng kanilang bakuna dahil hindi ito karaniwang pamamaraan ng *check-in*, ni ito ay polisiya ng gobyerno ng UK
- Ang patunay ng iyong negatibong resulta sa Covid-19 ay nakapangalan sa kung anong pangalan ang nakalagay sa iyong pasaporte - kung ang iyong pasaporte ay nakapangalan sa iyong *maiden name*, siguruhin na ang iyong pagsusuri ay nakapangalan din sa iyong *maiden name*, o kung hindi man ay kailangan mong dalhin ang kopya ng iyong *marriage certificate* bilang patunay.

- Ikaw ay may negatibong resulta gamit ang PCR test at hindi gamit ang lateral flow test dahil hindi ito tatanggapin
- Hinihiling sa mga tao na siguruhing nakumpleto nila at tama ang kanilang mga papeles bago dumating sa isla, kasama ditto ang pagbibigay ng tamang numero ng telepono sa kanilang ICD5 form para madali silang matawagan ng KEMH – ang pagbibigay ng maling numero ay magreresulta sa pagpunta at pagbisita ng mga pulis.

QUARANTINE

Makikita ang mga pinakabagong impormasyon tungkol sa pagsasagawa ng quarantine sa pagbisita sa website ng Gobyerno ng Falkland Islands sa: www.fig.gov.fk/covid-19

Sa kasalukuyan ay mayroong mandatoryong labing-apat (14) na araw para sa quarantine, gayunpaman, meron ng opsyon sa “test to release” na kung saan ikaw ay maaaring makapagtapos ng quarantine sa ika-lima (5th) o ika-walong (8th) na araw, depende sa kalagayan ng iyong mga bakuna.

Para maisagawa ang limang-araw ng “test to release” na opsyon, ikaw ay dapat makapagbigay ng katibayan na nakumpleto mo ang mga bakunang aprubado ng Medicines and Healthcare products Regulatory Agency ng Gobyerno ng United Kingdom na hindi bababa sa dalawang lingo bago ka dumating sa Falkland Islands. Ang mga bakunang ito ay ang Oxford-AstraZeneca (dalawang dosis), Pfizer (dalawang dosis), Moderna (dalawang dosis) o Janssen (isang dosis). Ikaw ay bibigyan agad ng pagsusuri sa loob ng apatnapu’t walong (48) oras mula sa iyong pagdating, at muli sa ika-limang araw. Kung ang parehong pagsusuri ay lumabas na negatibo, ipapaalam sa iyo na ikaw ay maaari nang lumabas sa quarantine. Sa unang swab sa unang pagbisita ay hahanapin sa iyo ng clinician ang katibayan ng iyong bakuna, kaya naman ito ay dapat nakahanda bago sila bumisita. Kailangang masiyahan ang clinician sa iyong katibayan na ipapakita, maaaring ito ay ang NHS app, isang vaccination card, liham ng bakuna mula sa isang duktur.

Kung ikaw ay bahagyang nabakunahan, hindi pa nababakunahan, o bibiyahe kasama ang mga bata, maaari kang magsagawa ng programang “8-day test to release”. Ikaw ay bibigyan agad ng pagsusuri sa loob ng apatnapu’t walong (48) oras mula sa iyong pagdating, at muli sa ika-walong araw. Kung ang parehong pagsusuri ay lumabas na negatibo, ipapaalam sa iyo na ikaw ay maaari nang lumabas sa quarantine.

Kung ikaw o simunang kahalubilo mo sa tirahan para sa quarantine ay lumabas na positibo sa kahit anong nasabing okasyon, ikaw ay dapat na manatili sa quarantine sa buong labing-apat (14) na araw. Sa kasong ito, ikaw ay bibigyan ng karagdagang swab sa ika-labingtatlong (13th) araw (bago ang katapusan ng panahon ng iyong quarantine sa ika-labingapat na araw) at ikaw ay maaaring sabihan na magpatuloy na mag self-isolate pagkatapos ng panahon ng quarantine, lalo na kung ikaw ay magkaroon ng sintomas ng coronavirus.

Kung hindi mo nais na masuri habang ikaw ay nasa quarantine, kailangan mong manatili sa quarantine sa buong labing-apat (14) na araw pati na rin ang lahat ng iyong kasama.

SELF-ISOLATION

Nais ipaalala ng KEMH sa publiko ang patuloy at kahalagahan o pagsasagawa ng pagbabalita sa kanila ng mga sintomas ng sipon at trankaso. Kung ikaw ay nakakaranas ng mga sintomas ay makipagugnayan agad sa KEMH sa numerong 28000, at ikaw ay hihingan ng numero para tawagan ng reception staff at ikaw ay aabisuhan na mag self-isolate kung kinakailangan base sa kanilang abiso.

Tatawagan ka kaagad ng isang clinician para abisuhan ka kung kailangan mong magpatuloy sa isolation o makuhanan ng swab. Malaking bilang ng pasyente ang inaasikaso sa kasalukuyan kaya maaaring magkaroon ng mabagal na pag-respond mula sa KEMH at susubukang makapagbigay serbisyo ng mabilis at sa ligtas na paraan.

Kung ikaw ay may nakakahawang sakit tulad ng sipon o trankaso ay nararapat na ikaw ay manatili sa bahay, malayo sa ibang tao, hanggang sa ikaw ay tuluyang gumaling. Ang sinumang bata na may lagnat, na may kasamang ubo, at may hinog na sipon, at hindi kumakain o umiinom ng tubig, o nakakaranas ng pagtatae o pagsusuka ay dapat na lumayo sa nursery o sa paaralan. Kailangan sila ay tuluyang gumaling at walang lagnat sa loob ng dalawampu't apat (24) na oras bago sila bumalik sa paaralan.

Tandaan, upang mabawasan ang pagkalat ng mga virus:

- **Saluhin mo:** madaling kumalat ang germs; magdala ng tisyu at gamitin ito upang saluhin ang iyong ubo o pagbahing
- **Itapon mo:** mananatailing buhay ang germs sa tisyu sa loob ng ilang oras, itapon ito agad-agad.
- **Patayin mo:** ang mga kamay ay madaling nakakapagkalat ng germs sa lahat ng mahahawakan nito, kaya't linisin ng madalas ang iyong mga kamay.

SERBISYO NG MEDEVAC

Pinapaalalahan ng KEMH ang publiko na, dahil sa sitwasyon ng COVID-19 sa Timog Amerika, nananatiling mahirap at patuloy na mahirap ang pagsasaayos ng serbisyo ng medevac paalis at papasok ng Falkland Islands. Ito ay dahil sa kakulangan ng mga kama sa ospital, partikular na sa Chile, dahil ito ay ginagamit ng mga pasyente ng Covid-19. Pinapaalalahan nang publiko na maging mas maingat kung sila ay magsasagawa ng mga akitibidad na maaaring maglagay sa kanila sa alanganin o labis na pagkapinsala sa katawan para mabawasan ang pangangailangan sa serbisyong medevac ay lubos na makakatulong sa KEMH at sa mga katrabaho nitong mga ospital sa ibang bansa. Ang sitwasyong ito ay hindi makakaapekto sa mga planadong gamutan para sa mga taong bibiyahen sa UK, kahit na ang KEMH ay patuloy na nakikipagtulugan sa NHS, sa pagkakataong muling tumaas ang kaso ng Covid-19 sa UK ay maaaring maka-apekto sa mga planong ito.

LATAM FLIGHTS

Kasunod ng anunsyong inilabas noong ika-21 ng Abril, kinumpirma ng Gobyerno ng Falkland Islands na ang commercial airlinks sa bansang Chile at Brazil ay nananatiling suspendido hanggang ika-1 ng Pebrero 2022. Katulad ng unang mga pag-aaral, tinignan dito ang patuloy na paghihigpit sa pagbibiyahe at paghihigpit sa mga hangganan, pati na rin ang pinakabagong datos tungkol sa lagay ng kalusugan at pandemya sa Timog Amerika at sa estado ng mga bakuna sa buong daigdig.

Sinabi ng Director of Development and Commercial Services na si Catherine Silva Donayre na: “Sa pagtira sa Falkland Islands, pinapahalagahan natin ang koneksyon sa pagbibiyahe sa labas ng bansa, at nais ng FIG at LATAM na ibalik ang mga ruta sa lalong madaling panahon at kung ligtas sa itong gawin para sa ikakaunlad ng mga pagbibiyaheng ito. Pinag-aralan natin ang kasalukuyang sitwasyon ng mga paghihigpit sa mga pandaigdigang hangganan at ang kasalukuyang estado ng pandemya sa Timog Amerika, at aming sinangayunan na hindi ito possible ngayong taon. Ang pagtitilgil ng mga biyaheng ito ay nakaka-apekto sa mga tao, mga sambahayan, at mga negosyo, at alam namin na mahirap ito sa karamihan ng mga tao, gayunpaman, umaasa kami na ito ay maintindihan ng lahat at ang mga desisyon na ito ay hindi madaling gawin. Habang inaasahan na ang mga biyahe ay maaaring manumbalik sa Pebrero, pag-aaralan muli ng FIG at LATAM ang mga sitwasyon sa Nobyembre.”

Ang susunod na buwanang update para sa Covid-19 dito sa Falkland Islands ay sa ika-1 ng Setyembre 2021.